

Buku garis cabaran S'pura akibat perbandaran pesat

BUKU *Seeking a Better Urban Future*, yang menggariskan cabaran dihadapi Singapura akibat perbandaran yang pesat, dilancarkan semalam.

Ia ditulis Dr Cheong Koon Hean, ketua pegawai eksekutif (CEO) Lembaga Perumahan dan Pembangunan (HDB), dan zamil Pengajian Singapura S R Nathan Institut Pengajian Dasar (IPS), dan dilancarkan Menteri Pembangunan Negara, Encik Lawrence Wong.

Buku itu menghimpun tiga ceramah IPS-Nathan yang disampaikan Dr Cheong antara Mac dengan April lalu, meliputi kandungan dialognya dengan peserta ceramah itu. Ia juga menggariskan pertimbangan yang diambil kira dalam membuat perancangan bagi masa depan perbandaran Singapura.

Dr Cheong juga pernah menjadi CEO Penguasa Pembangunan Semula Bandar (URA) dari 2004 hingga 2010.

Antara pencapaiannya ialah merencanakan semula kawasan Marina Bay dan Bandar Eko Tianjin Sino-Singapura.

“Saya berharap dapat mewujudkan lebih banyak kesedaran, terutama warga Singapura, mengenai kesukaran menguruskan sebuah bandar,” katanya, dalam temu ramah praceramah yang ditukil daripada laman IPS.